

## SAKANAKO EUSKARAZKO HEDABIDEEI ZUZENDUTAKO DIRULAGUNTZAK: OINARRIAK

**1. Oinarrien xedea eta objektua.** Deialdi honen xedea da Sakanako euskarazko hedabideak diruz laguntzeko modua arautzea.

**2. Dirulaguntzaren onuradunak.** Deialdi honetan arautzen diren laguntzen hartzaile izan daiteke Sakanan egoitza fiskala duen pertsona fisiko edo juridiko oro, euskarazko hedabide baten jabe edo kudeatzaile dena.

**3. Dirulaguntzaren gaiak eta kontzeptuak.** Honako hauek izanen dira:

- a) Euskarazko eguneroko prentsa eta aldizkariak, batez ere Sakanan zabaltzen direnak.
- b) Irratiak, Sakanan ohikotasunez emititzen dutenak.
- c) Sakanari buruzko berriak eskaintzen dituzten Internet bidezko hedabideak.

Ondoko hauek ez dute laguntzarik jasotzen ahaliko:

- a) Euskara erabiltzen duten gaztelaniazko hedabideek.
- b) Alderdi politikoek zein sindikatuek argitaratutakoek.
- c) Elkarteek edo fundazioek beren kideen artean banatzeko argitaratutakoek.
- d) Eskola aldizkariak.
- e) Udal eta mankomunitateen informazio-aldizkariak.

Diruz lagundutako jarduerak 2021eko urtarrilaren 1aren eta abenduaren 31ren arteko aldiari dagozkionak izanen dira.

**4. Dirulaguntzaren zenbatekoa.** Objektu honetarako, guztira, 80.000,00 euro erabiliko dira, Euskara Zerbitzuko 2021eko ekitaldiko aurrekontuko 4 3350 4820002 (Euskarazko hedabideendako dirulaguntzak) partidari jasotako kredituaren kontura.

Kopuru hori modu honetan banatuko da:

- a) Euskarazko eguneroko prentsa eta aldizkariak, Sakanan zabaltzen direnak: 40.000,00 euro.
- b) Irratiak, Sakanan emititzen dutenak: 10.000,00 euro.
- c) Sakanari buruzko berriak eskaintzen dituzten Internet bidezko hedabideak: 30.000,00 euro.

Baimendutako gastua handitu edo murriztu ahal izango du aldaketaren zenbatekoaren arabera eskumena esleituta duen organoak. Dena den, horrek ez du nahitaez beste deialdi bat egitea ekarriko.

Dirulaguntzek deialdiari esleitu zaion diru-kopurua gainditzen badute, aurrekontuetan gehienez ere aurreikusi den diru-esleipena behar den epean eta behar den moduan aurkezten diren eskaeren artean zatituko da, deialdiko baldintzak betetzen dituztenen artean betiere.

**5. Deialdiaren publizitatea.** Deialdi hau aditzera emateko, prentsa-oharra helaraziko zaie hedabideei. Horrez gain, deialdiaren testu osoa Sakanako Mankomunitatearen webgunean eta Dirulaguntzen Datu Base Nazionalean (<http://www.pap.minhap.gob.es/bdnstrans/index>) jarriko da, eta laburpena Nafarroako Aldizkari Ofizialean argitaratuko da.

**6. Eskabideak aurkezteko epea.** Eskabideak aurkezteko epea 2021eko martxoaren 31era bitartekoa izango da. Epe hori luzaezina izanen da.

**7. Aurkeztu beharreko dokumentazioa.** Honako dokumentazio hau aurkeztu beharko da Sakanako Mankomunitateko erregistroan:

a) Eskabide ofiziala, behar bezala beteta.

b) Identifikazio fiskaleko txartela.

c) Diru-sarreraren eta gastuen aurrekontu zehatza eta xehakaturia. Sarrerei dagokienez, bestelako erakunde publikoetan eta beste autonomia erkidego batzuetako administrazioetan eskatu edo harturiko laguntzak espresuki adieraziko dira, bai eta partikularrek edo enpresa pribatuek emandako bestelako diru-sarrerak (babesak eta publizitatea, esate baterako). Gastuei dagokienez, langileak eta kolaboratzaileak kontratatuzetik sorturiko gastuak, ustiapen gastu orokorrak eta funtzionamendu eta banaketa gastuak hartuko dira kontuan.

d) Irratsaioen edo argitalpenen ezaugarriak biltzen dituen txostena. Hedabide idatziek (egunkariek eta aldizkariek) hauek aipatu beharko dituzte: orrialde kopurua, aldizkakotasuna, argitaratzeko egunak, gaiak, egitura eta maketazio mota, eta proiektuaren nondik norakoak zehazki jakiteko behar diren elementu guztiak. Laguntzak irratirako eskatzen dituztenek honako hauek adierazi beharko dituzte: saioren iraupena, emisio egunak eta orduak, gaiak eta programazioaren nondik norakoak. Beste komunikabideekin batera egindako programazioen berri eman beharko dute berriaz, horrelakorik badago. Internet bidezko hedabideen gaineko datuak: eguneratze kopurua eta maiztasuna batetik, eta ikustaldiak, ikusitako orriak, ikustaldi bakoitzaren batz besteko denbora eta erreboten ehunekoa bestetik.

e) Eskabidea balioesteko aurkeztu nahi den gainerako dokumentazioa.

f) Aitorpena, objektu honetarako administrazio publikoei edo entitate pribatuei eskatutako edo haiek emandako dirulaguntza guztiena. Adierazi beharko da eskaerak ebatzteke edo ebatzita dauden; azkenengo kasu horretan, kontzesioari buruzko ebatzpenaren kopia erantsiko da.

Hori dena zuzenean edo urriaren 1eko Administrazio Publikoen Administrazio Prozedura Erkidearen 39/2015 Legearen 16.4 artikuluan aurreikusitako beste prozeduraren bat erabiliz egin ahal izango da. Hona hemen zer helbidetan aurkeztu behar den dokumentazioa:

**31830 Lakuntza**  
**948 464840**  
**euskara1@sakana-mank.eus**

**8. Eskatzaileek bete beharreko baldintzak.** Honako baldintza hauek betetzen dituztenek eskatzen ahal dituzte dirulaguntzak:

- a) Gutxienez ere aurrekontuko kopuru osoaren % 30 autofinantzaketa izatea.
- b) Sakanako Mankomunitatearekiko zerga betebeharrak ordainduta izatea (mankomunitateak ofizioz egiaztatuko du inguruabar hori eta behar den eginbidearen bitartez jasoko du).

**9. Aurkeztutako eskabidean egindako okerrak zuzentzea.** Aurkeztutako dokumentazioan okerrik dagoela edo agiriren bat falta dela ikusten bada, hamar egun emango zaizkio eskatzaileari akatsak zuzentzeko edo agiriak osatzeko. Epe hori igaro eta akatsa zuzendu edo agiriak osatu ez badira, eskatzaileak eskaeran atzera egin duela ulertuko da. Sakanako Mankomunitateko lehendakariak horretarako ebazpena egingo du.

**10. Ebazpena.** Deialdi honetako dirulaguntzak esleitzeko ebazpena Sakanako Mankomunitateko lehendakariak emango du Euskara Batzordearen irizpena aintzat hartuz, hamabost eguneko epean.

Ebazpen hori interesdun guztiei jakinaraziko zaie. Esleipen-ebazpenean dirulaguntza nori eman zaion zehaztu behar da, eta berariaz adierazi behar da gainerako eskaerak ezetsi direla. Era berean, ebazpenak adierazi beharko ditu haren aurka jotzeko dauden errekurso bideak, zein organoren aurrean aurkeztu behar diren eta zein epe dagoen hori egiteko, beste edozein errekurso bide erabiltzeko eskubidea baztertu gabe.

Ebazpena eman eta ordaintzeko epea lau hilabetekoa da, gehienez ere. Dirulaguntza eman eta ordainketa agintzeko ebazpena emateko epea 2021eko abenduaren 31n amaituko da. Behin epe hori berariazko ebazpenik eman gabe igaro eta gero, eskaera ezetsizat jotzen ahalko da.

**11. Balioesteko irizpideak.** Euskara Batzordeak eskabideak balioetsiko ditu, ohiko saioan, eta honako alderdiak izanen ditu kontuan:

- a) Euskarazko eguneroko prentsa eta aldizkariak, Sakanan zabaltzen direnak.
  - Urteko argitalpen kopurua: 20 puntu.
  - Ale bakoitzaren orrialde kopurua: 20 puntu.
  - Argitalpen bakoitzean zabaldutako ale kopurua: 20 puntu.
  - Irakurle kopurua: 20 puntu.
  - Finantzaketa maila propioa: 10 puntu.
  - Produktuaren kalitatea: 10 puntu.
- b) Irratiak, Sakanan ohikotasunez emititzen dutenak.
  - Astean norberak ekoizitako orduak: 20 puntu.
  - Entzule kopuru potentziala: 30 puntu.
  - Finantzaketa maila propioa: 25 puntu.
  - Produktuaren kalitatea: 25 puntu.
- c) Sakanari buruzko berriak eskaintzen dituzten Internet bidezko hedabideak.

- Sorturiko eta zabalduko albiste kopurua: 30 puntu.
- Bisita kopurua: 30 puntu.
- Finantzaketa maila propioa: 20 puntu.
- Produktuaren kalitatea: 20 puntu.

**12. Dirulaguntzaren ordainketa.** Lehendabiziko ordainketa dirulaguntzak esleitzeko ebazpenarekin batera egingen da.

Dirulaguntza 6 zatitan emanen dio Sakanako Mankomunitateak eskatzaileari, bi hilabetean behin alegia. Horretarako diruz lagundutako aldi egindakoari buruzko memoria zehaztua eta gastu zein diru-sarreraren frogagiriak aurkeztu beharko ditu. Horiekin batera, diruz lagundutako aldiari dagozkion ale idatzi guztiak aurkeztu behar dira. Ale horiek paperean edo euskarri informatikoan aurkeztu litezke. Ez da beharrezkoa izanen, argitaratu ahala, Sakanako Mankomunitatera bidali izan badira.

Onuradunak jarduera gauzatu duela behar bezala justifikatu ezean, ordainduriko laguntza osorik edo hein batean itzul dezala eskatzen ahalko zaio.

Onuradunen bati esleitutako laguntzaren zenbatekoa murrizten bada dokumentazio osoa ez aurkezteagatik, ez justifikatzeagatik edo epeak edo deialdiko oinarrietakoren bat ez betetzeagatik, soberakina gainerako onuradunen artean proportzionalki banatzen ahalko da.

Azken ordainketa egin baino lehenago egingo da urte osoari dagokion kitapena. Horretarako, Euskara Batzordeko irizpena beharko da. Ulertuko da dirulaguntza deialdiaren xedea beteta dagoela proposatutako jarduera komunikatibo osoa gauzatu dela frogatuta dagoenean.

**13. Bateragarritasuna.** Deialdi honetako dirulaguntzak bateragarriak dira beste erakunde publiko zein pribatuk objektu berberaz emandakoekin, betiere gehiegizko finantzaketarik gertatzen ez bada.

**14. Emandako dirulaguntzen publizitatea egitea.** Onuradunek eman zaien dirulaguntzaren publizitate egokia egin beharko dute, eta beren komunikabideetan adierazi beharko dute Sakanako Mankomunitatearen dirulaguntza jaso dutela.

**15. Dirulaguntzen itzulketa.** Dirulaguntza zati bat edo osoa itzuli beharko da ondotik azaltzen direnak gertatzen direnean:

- a) Dirulaguntza eskuratzea horretarako eskatzen diren baldintzak bete gabe.
- b) Eskatzen diren agiriak ez aurkeztea horretarako ezarritako epean.
- c) Egitasmoa aurkezturik eta dirulaguntza jasorik, gauzatu gabe uztea.
- d) Objektu bera duten eta bateraezinak diren dirulaguntzak aldi berean jasotzea.
- e) Nahitaez onartu behar diren egiaztapenak ez onartzea edo oztopatzea.

**16. Arau-hauste eta zehapenak.** Arau-hauste eta zehapenei dagokienez, Dirulaguntzei buruzko azaroaren 17ko 38/2003 Lege Orokorrak eta uztailaren 21eko

887/2006 Errege Dekretuaren bidez onartutako Dirulaguntzen Arautegi Orokorrak aginduko dute.

**17. Datuen babesa.** Eskatzaileen datuak Datuak Babesteko 2016/679 Erregelamendu Orokorrean ezarritakoaren arabera tratatuko dira. Eskatzaileek ematen dituzten datuak Sakanako Mankomunitateak kudeatzen dituen datu pertsonalen fitxategietan sartuko dira. Betiere helburua izango da dirulaguntzen deialdi hau eta horrekin zerikusia duen beste edozein administrazio espediente kudeatzea. Fitxategi horren arduraduna Sakanako Mankomunitateko Euskara Zerbitzua izango da, eta sartu, zuzendu, ezereztu eta aurka egiteko eskubideak Sakanako Mankomunitateak duen jendearendako harrera bulegoan (Lakuntzan, Uriz 32) egikaritu ahal izango dira.

**18. Ordezko arauak.** Deialdi honetan aurreikusten ez den orotarako Administrazioari buruzko uztailaren 2ko 6/1990 Foru Legea eta Dirulaguntzei buruzko azaroaren 17ko 38/2003 Legea aplikatuko dira.

**19. Errekurtsoak.** Deialdi honen aurka, baita oinarri hauen aurka eta haien betearazteko hartzen diren administrazio ebazpenen aurka ere, errekurtso hauetako edozein aurkezten ahalko da, aukeran:

a) Berraztertze errekurtsoa, egintzaren organo egileari zuzendua, hilabeteko epean, errekurritzen den egintza jakinarazi edo argitaratu eta biharamunetik hasita.

b) Gora jotzeko errekurtsoa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratzen denetik aitzina.

c) Administrazioarekiko auzi-errekurtsoa, Administrazioarekiko Auzien Epaitegiari zuzendua, bi hilabeteko epean. Errekurritzen den egintza jakinarazi edo argitaratu eta biharamunetan hasiko da epe hori.

## SAKANAKO EUSKARAZKO HEDABIDEEI ZUZENDUTAKO DIRULAGUNTZAK: ESKABIDEA

<b>Erakunde eskatzailea</b>	
Izena	
Helbidea	
Herria	PK
①	E-posta
Kontu-korrontearen zenbakia	
Arduraduna	
Izen-deiturak	
<b>Hedabidearen fitxa teknikoa</b>	
<ul style="list-style-type: none"> <li>✓ Argitalpenaren izena</li> <li>✓ Lege gordailua eta ISSN</li> <li>✓ Maiztasuna eta urteko zenbaki kopurua</li> <li>✓ Harpidetza kopurua edo tirada</li> <li>✓ Aleko eta urteko orrialde kopurua</li> <li>✓ Emisio orduak astean eta urtean</li> <li>✓ Lurralde-hedadura</li> </ul>	
<b>Aurreikusitako diru-sarrerak eta gastuak (azalpena eta kopuruak)</b>	
<b>Diru-sarrerak</b> Harpidetzak Publizitatea Beste erakunde publikoetatik jasotako dirulaguntzak <u>Diru-sarrerak guztira</u>	
<b>Gastuak</b> Langileen gastuak Funtzionamendu-gastuak Inbertsio-gastuak Ekoizpen-gastuak Zabalkunde-gastuak <u>Gastuak guztira</u>	
<b>Lekua eta data</b>	
<b>Arduradunaren sinadura eta erakundearen zigilua</b>	

Bildutako datu pertsonalak dirulaguntzen fitxategian gordeko dira. Bere helburua da Euskara Zerbitzuak ematen dituen dirulaguntzen eskaerak biltzea, erregistratzea eta kudeatzea. Dirulaguntzei buruzko Legea da datu pertsonalen tratamenduaren oinarri juridikoa. Sakanako Mankomunitatea da datu pertsonalen hartzailea. Datu pertsonalak dirulaguntzei eta administrazio-prozedurari buruzko araudian ezarritakoari jarraikiz gordeko dira. Interesdunak berriazko baimena ematen dio Sakanako Mankomunitateari datuak tratatzeko. Aditzero ematen dizugu eskubidea duzula edozein mementotan zure datuak eskuratzeko, zuzentzeko, ezabatzeke, tratamendua murrizteko edota haren kontra egiteko. Horretarako, jakinarazpen idatzia bidali beharko duzu Sakanako Mankomunitatera, eta zure nortasuna egiaztatzea beharko duzu zuzenbideak onartutako edozein bide erabilita. Halaber, aditzero ematen dizugu egokitze joz gero erreklamazioa aurkeztu ahal izango duzula kontrol-agintaritza batean, hain zuzen ere, Datuen Babeserako Espainiako Agentziaren aurrean.

**SAKANAKO EUSKARAZKO HEDABIDEEI ZUZENDUTAKO DIRULAGUNTZAK:  
ZINPEKO AITORPENA**

Eskatzaileak hau aitortzen du:

- Entitatea ez dagoela sartuta dirulaguntza publikoak itzularazteko edo zigortzeko inongo prozeduratan.
- Laguntza eskabide honetaz aparte ez duela helburu bererako beste laguntzarik eskatu edo jaso, beste inongo erakunde publiko nahiz pribatuk emana.
- Dirulaguntza eskatu diela beheko erakunde hauei:

<b>ERAKUNDEA</b>	<b>ZENBATEKOA</b>	<b>EGOERA (Ebatzi gabe, ebatzita baina kobratu gabe edo kobratuta)</b>

- Helburu bererako edozein erakunde publiko nahiz pribaturi dirulaguntza eskabiderik eginez gero, Sakanako Mankomunitateari jakinarazteko konpromisoa hartzen duela bere gain.

Eta, hala ager dadin, izenpetu egiten du.

(Data eta sinadura)